

王文端公尺牘

王文端公尺牘卷之八

山陰對南王家屏著

定襄門人傅新德校

書

荅徐文江侍御

語云百聞不如一見今之識邊事者或援古以概今
或懲前而廢後或執小利以譏大計或憑臆說以撓
成功皆貴耳之談非真見夷情之實者也某生長塞
下自記事以來所見虜衆侵驅蹂踐焚掠殺戮之狀
慘不忍言偶數月不舉烽經時無羽檄邑里卽色笑

相慶謂爲太平至乃輜弓臥鼓終歲晏然露宿宵行
一塵不擾此等光景不但目所未見亦耳所未聞焉
非賴天祚國家虜衆內附我得操其蹻蹻約束之柄
何克臻茲是無論供億輸將所省不貲而生聚休養
日以殷繁向時廢堡墟村人煙相望蓬蒿藜藿耕作
寢興欸貢之效固居然可見於此矣而議者猥云當
罷豈不誤哉幸臺下躬履荒垂邊事夷情具經巡閱
故能悉欸貢之便利察邊臣之苦心如此他人身不
下衽席足不踏邊城而愁以千古所未有之事聳動
其聽聞宜其推之而不肯信也顧不信其利已矣而

又詆其害掩其勞而傳其過則邊臣又安能弭然屈
服已乎夫議天下事易當天下事難臺下處議事之
地而能體當事之勤此邊臣所願捐軀殞首自効而
不辭者也疆場幸甚宗社幸甚某邊人也私心倍切
欣荷遂不覺其覲縷伏惟垂炤

荅張元冲司農

山有猛獸藜藿不採正人壯士何可一日不在朝廷
乎當翁丈屢疏求歸業知枘鑿難投而薰蕕不共器
也乃匪石之指竟不可移此於勁節貞標果挺然塵
表而莫肯風夜朝夕朝廷之上景象如何嗟乎比周

大雅
卷之八
二
彼庭驕人好好此輩良得志矣黨與成於下主勢孤
於上孰與郤晉文之席寢淮南之謀也聞去國之日
都門送者如堵卽輿廝走卒咸重其行以爲忠直不
容於朝朝綱何由而正夫使清議出於閭闔之口朝
廷尚有人乎可爲嘖嘆高平使者便附候起居琴尊
巾履知甚恬愉第太行王屋之下亦可使鄙人微一
晤之懽否臨風瞻慕不盡

與李順衡太僕

不佞猥以桑梓葭莩緣契分相與切磋道誼砥礪
生平固冀合志同方報國家作養之恩於萬一所至

願也幸又批鱗躍尾擲發權闢爲主上去腹心肝腹
之賊洗天浴日功莫大焉於時中外士紳高其名於
泰山喬嶽慕之如景星鳳凰卽不佞亦自謂分光藉
寵可附義無窮也何圖盛名之下借交引重同志寧
多批繩引根嫉邪已甚於是風林駭翼湍壑驚鱗層
起而爭而廟堂之間譴然如訟府矣不佞於時纓冠
收關垂涕彎弓緩急之情有父子兄弟不相爲謀者
豈非以太阿斷管隋珠抵雀輕試而棄用之爲可惜
耶乃丈方且以身爲孤注馮河而往乘墉以攻執會
不利於言觸牴竟羸其角遂使戎馬嘶於塞

快羣小之心而傷善類之志此不佞所爲仰天椎胸而痛恨也夫生同里仕同朝應制後先同館謀國同猷念不佞之於丈不可謂疎矣而誠意不能孚忠言不能入肝鬲之誼化爲參辰金石之交判若箕畢痛也如何然非獨聚散之間而已自丈以摘發契合上意上遇之以國士目之爲忠臣言聽計從親信無比謗書盈篋不省毀言口至爲不聞也而百抵扞百優容百擠排百庇覆遭逢如此固人臣千載之一時焉而丈曾弗顧念君臣之好圖其始終朝叫關而莫察闕使妬忠害直之徒得因以藉口恩寵猥云怙恃

疎動上聽慈親投杼豈其本心愛有所奪而勢非得已也以丈之剛腸勁氣誠不難一去以明志百鍊以見節而孤負聖意虧損國恩臣子之情宜不容若是忍耳嗟乎已矣居不見聽去豈受規謬悠之談喋喋何益然而騁駟奔佚決銜委轡追風之步自存應龍震騰沸海搖山致雨之靈非爽也丈夫不爲進則殉國退則潔身石可礪堅不可變丹可漉赤不可渝義澹泊而愈明仁困衡而益熟詩稱遵晦易訓居貞藏器待時賜環有日願言珍重慰我勤倦

又

吾丈一忤權地嘉遜十年困比積新艱於轉石毀忠
蔽信時望鬱如也幸今風靜波平雲開日出端人登
用正氣復伸忝在知交可勝忤舞顧獨念材之大者
不以小用器之重者不以輕投是以合抱之木可以
棟明堂不可以窒鼠穴干將之刃可以剗犀象不可
以擊糞壤之蟲吾丈貞固之節以培養而益完英銳
之鋒以淬礪而彌鍊其爲合抱干將更大且重矣竊
謂宜慎其用與投者而後可諧士論鎮物情表往昔
之無他全功名於弗墜倘或藩籬未剖圭角猶存順
風而呼則聲聲者激激而指則見影者疑况今國

是講張人情險仄上厲威而莫測下救過之不逞激
與隨兩無一可惟有敬慎可以守職簡默可以防讒
此所以附書琢菴丈欲吾丈無出言外之言于事外
之事雖知門下所自待者甚大且重而區區忠愛一
介則猶恐其小用而輕投耳伏荷采葑不罪狂僭而
琢菴丈書來亦盛稱門下執持有不犯其鋒不入其
黨之語審然卽聖賢立身行己之道無以加茲如此
而士論有不歸物情有不協功名有不盛主眷有不
隆不佞請伏妄言之罪永自絕於門下所甘心焉

荅李龍峯親家

河壩荒徼斗絕孤城朝廷爲地擇人特移履幕雖云
險遠大費經營以門下卓識宏猷精忠定力擔管幹
濟何往弗宜卽番虜交叢兵糧素拙馴頑格暴在調
適其性情祛淫汰浮惟審知其利病沉幾籌畫漸次
更張運綜核之微權持紀綱之大體嚴不生事寬不
近名職所當爲如斯而已豈須嘆大夫之不均羨東
人之粲粲哉歷觀往哲茂樹奇勲大都著節艱危之
中徵才盤錯之地在漢則伏波定遠近代則虞坡鑑
川皆起自西陲功施社稷茲聞璽書到日旌節直前
將吏士民懽迎可想敢茲占賀并候清禧翔有勳庸

曷勝厚望

又

奉書附報僭吐狂言何補高明敢塵采紙愧愧邊長
兵寡備多力分誠不能不勞襟慮虞衆求款狡僞多
端未可輕聽倘其真心悔過外示羈縻內修戰守亦
邊計所不廢焉今西賊雖平寧夏已枵然空竭島夷
未靖朝鮮已蕩然丘墟廟堂全乏主張將吏虛陳功
伐紛紜搶攘後患方殷所恃三五忠賢苦心幹濟扶
傷救敗尚可保安一隅而意見參差動有牽掣未能
幹濟先苦調停觀望因循同歸廢弛何況悠悠者哉

事可專制不必謀之於人功可相成不必爲之自我
如其礙手姑且待時志積氣全會有展布之日壯顏
爭口必不其然餘悰瑣屑恕不具陳

答霍南溟憲使

不肖某草野廢人世所共棄乃蒙台慈特達直從天
末再惠德音睽注勤倦感之不管次骨矣惟是夙營
叢積家難頻仍哀苦摧心精魂都盡卽今呻吟床蓐
間以蚤得一死爲幸敢復妄憶人間事猥蒙台諭誨
朝疏謬及致汙士大夫齒牙此當不待病死愧死耳
臺下勲庸茂著望實日隆作并河湟不管長城九

誠藉重旌鉞臨撫我升代之振弊有其可必
及治麻澤幸甚然豈敢望大枕草草然其矜

荅鄒南皋吏部

不佞自奉徵綸翹首崇臺日切延佇辱書知以詞
命駕瞻承在卽欣慰如何比來吏縱于貪士靡于
宦成于巧政弛于媮財匱於兵民傷於歲此憂
治之君子所共咨嗟太息也而昌言閤議久未之聞
默默容容大都皆不佞之比耳忽接大疏伏而誦之
亶亶數千百言吏治民情摹寫殆盡而憤撫臣一段
寔私弊關紐病痛本源誦之一字一擊餘也蓋堂上

論人者審局外觀甚者明惟公以無著之心具高世之見故能洞燭事理曲盡物情如此安得今食人之食事人之事者心公之心哉大疏謂天下無不食之事顧在人真心何如耳體此一言而吏治民瘼爲足憂耶容他日面訂之草草附復不

荅王柱石大僕

方臺下拜命同卿竊幸以爲泰茅彙征之會而偶以他人事橫相連逮此其機紐所自卽不可懸斷踰度而正人邪人所忌方枘圓鑿勢必不投藉手于中歸過于上自古姦臣中禍于忠良莫下意

之術然

臺下之德音曾何損焉乃益以表其特立之操孤貞
之節與泰華並峻金石同堅陵千仞而難躋經百煉
而不爍者也使以彼三公之位易臺下一日之名豈
敢爲臺下願之哉至於朝綱積弛時事多艱儲位久
虛天災疊見而上下泄泄恬不思危恃氣負才者方
且分曹角勝居權處要者亦復緘默取容甚則主封
倭之議辱國體而不羞納開礦之謀殘地脉而不恤
人事如此想氣運當然每念及斯真欲痛哭流涕如
臺下所云顧且奈何夙夜祝天惟願主上開明忠賢
柄用亨屯休否會且有時草野廢人或亦及見太平

之日卽死不恨耳恃愛披瀝不覺覩縷

荅馮琢吾少宰

夏間接奉翰札知承顏太夫人側甚懽而又有一熊
雙鳳之祥太以爲慶獨徵車在門未肯卽發宿君言
於家虛物望而鬱名世之猷良非不妄所望於門下
者已聞爰立之命主上業覆金甌而卜日啓之則私
慶以爲向所云以國事託呂申公者不虛矣乃不意
台倅遠來啓函如面喜不可喻讀至時事上下齟齬
民財窮盡之狀令人咨嗟憤嘆如天之將壓而又不
勝其憂也先是九卿災異陳言疏傳至讀畢卽手示